



Ассаламу г'ялайкум!

БАРХЪДЕШЛА ГЪУНИ

РАЙОННА ЖАМИГ'ЯТЛА-ПОЛИТИКАЛА ГАЗЕТА

№ 51 (81297), СЕНТЯБРЬЛА 27, ЖУМЯГ1, 2019-ИБИЛ ДУС. БАГЪА 4 КЪУР.

«ПУТЬ ИСТИНЫ»

1938 ИБИЛ
ДУСЛИЧИБАД
ДУРАЙУСИ САБИ

ОСНОВАНА
В 1938 ГОДУ

У Ч Р Е Д И Т Е Л И:

Администрация муниципального образования «Акушинский район», Республика Дагестан, Акушинский р-он, с. Акуша. (368280, Респ. Дагестан Акушинский р-он, с. Акуша)
Собрание депутатов муниципального Акушинского района. Республики Дагестан. (368280, Респ. Дагестан, Акушинский р-он, с. Акуша)
Коллектив редакции газеты «Путь истины» Муниципального образования «Акушинский район». (368280, Респ. Дагестан, Акушинский р-он, с. Акуша).



РАЙОННА АДМИНИСТРАЦИЯЛА БЕК1 МЯХ1ЯЧ КЪАДИЕВИЧ Г1ЯБДУЛКАРИМОВЛА МУБАРАК

Х1урматла районна халкъ!

Урк1и-урк1иларад мубаракдирулрая х1уша район 85 дус биънила байрамличил!

Ил манзилла бух1наб Ахъушала районни ахъибси гъуни пикрибаралли, нуша лебтанилра пахрубаресли саби нушала хала бег1тала, чедирти наслубала гъунартачи, дигалли бузерилизир, дигалли дявила майдайчир диахъубти. Ваг1айс къияндикибх1ели нушала районнизибад 3 азириличибра имц1али адамти бургъес арбьякунти саби. Илдазибад бахъалгъунтани Ваг1ан багъандан жан дедиб. Чарбухъунти даршуси бузерилизи ахъиб, район гъуйчибикахъес биубсигъуна къайгъи бариб. Дявтала дусмазиб дуги-х1ери падарили, къиянти шурт1разиб бузули калунтала гъунарра хъумартес х1ейрар. Лебилра илди г1ях1гъабза адамти г1ибрат саби ишбарх1и дузути нушаб ва гъаннала г1ергъи халадиути наслубас.

Вирхулла машгъурси Ахъушан Г1яли-Х1яжила г1якълучебдешла ва сабурла гъуни буцили, район цабалгундешлизиб ва х1ялалси бузерилизиб калахъес х1ушазивад гъарилли къайгъи бирниличил.

БАГЪУДИ КАЙСАХЪНИЛИЗИР--Г1ЯХ1ТИ ДАРСДЕШУНИ

«Ахъушала район» МО администрацияла бек1 Мях1яч Г1ябдулкаримовла къайгъиличил ишдуслизи районна багъудила 3 учреждение «150 школа» бик1уси проектлизи ва багъудила 7 учреждение «Точка роста» бик1уси проектлизи кадрехъурти сари.

Сентябрьла 24-личиб илди багъудила учреждениебазир х1янчи детурхниличил тянишбиуб районна администрацияла бек1 Мях1яч Г1ябдулкаримов, багъудила отделла начальник Мях1яммад Каримх1яжиев ва царх1илтира жавабла х1янчизарти.

Мух1ела лицейлизир, Усишала лицейлизир, Аметерк1махъила урга даражала школализир «150 школа» бик1уси проект х1ясибли дарибти х1янчи ахтардида-

риб. Узнимахъила урга даражала школализир, Мух1ела гимназиялизир ва царх1илтира багъудила учреждениебазир «Точка роста» бик1уси проект х1ясибли дарибти х1янчиличилра тянишбиуб.

Мях1яч Г1ябдулкаримовли баркалла багъахъур илди проектуни детерхахъес кумек барибтас.

--Баркалла багъахъес дигулла дурх1нас г1ях1ти шурт1ри аклахъес къайгъибарибти адамтас.--вик1и Мях1яч Къадиевич. --Урк1и разибурули саби ишх1елла заманализиб царх1илтас кумек барес къасбирути адамти лебниличил. Илдигъунти адамтас, чула дурх1нас ва лебилра гъамтас г1ях1си арадеш, хъулиб баракат ва г1ямрулизир гъарбизуни диаб!



Суратлизиб: М. Г1ябдулкаримов ва М. Каримх1яжиев Узнимахъила школализиб багъудила Центр ибхъули.

Багъудила Центрти ибхъунилизир бутлакъяндеш дариб учительтани ва буч1антаницуна ах1и, дурх1-

нала бег1танира, илдани чула разидеш багъахъур дурх1ни буч1ахъес шурт1ри г1ях1диъниличил.

САЛАМ, САГЪТИ АДАМТИ!

Салам, сагъти дарганти,
Район чебях1барибти,
Ак1убла ахъих1ирад
Г1яшли ках1едикибти.

Салам, г1ях1лас унзурби
Къяли-къяйчи ибхъанти,
Адамдешла лишанти
Байрахъван чихъдарибти.

Салам, Устазла амру
Мардешличил биханти,
Чинаралра чисалра
Лагъдеш дарх1едарибти.

Салам, мусидирихъми
Уфдалли делгъахъанти,
Буц1арси ц1ала ламы
Хъатнякъба билшахъанти.

Салам, сабурли, ях1ли
Узидеш уржахъанти,
Урк1би х1егъти х1яжурти
Х1ерана руржахъанти.

Салам, сагъти масхурга
Гумайти дулх1ехъанти,
Ахъих1ирад ахъ-ахъли
Акбуртани дуч1анти!

Салам, дигайлис марти,
Сагъти хъунул адамти,
Чев Аллагъли черях1ли,
Г1яшх1ерили датарти.

Салам, Сирх1язиб далай
Белч1и, дард биц1ахъанти,
Ахъушаб «Дерхъаб!» или,
Дарга х1яйтбик1ахъанти!

М. Мях1яммадов,
ДР-ла культурала урибси
х1янчизар, поэт, журналист.

АХЪИБСИ ГЪУНИ

Ахъушала район аклахъубси саби 1934-ибил дуслизиб. Районна мер-мусаличир 79 шими махъурби лер. Дузули сари 26 шила, администрация: Ахъушала, Аметерк1махъила, Г1ялиханмахъила, Балхъаря, Бурх1имьякъмахъила, Кавкамахъила, Бутрила, Х1ямшимала, Гъебала, Х1ерхмахъила, Х1инт1ала, Дубримахъила, Къассагумахъила, Куркила, Мух1ела, Нахкила, Нец1ала, П1ант1ала, Т1ебекмахъила, Гъулатдимахъила, Уллучарала, Усишала, Урхъучимахъила, Чебях1 Мулебк1ила, Цугнила, Шукъдила.

Районнизиб х1ербирули саби 57 азириличиб имц1али адамти, илдазибад бахъалгъунти дарганти саби. Балхъарла, Хъялила, Уллучарала ва Ц1уликъянала шимазиб х1ербирули саби булугуни.

1934-ибил дуслизиб сентябрьла 1-личиб ВЦИК-ла Президиумли х1укму къабулбарили саби Ахъушала район аклахъес ибси, сунелара центрли сабси Ахъушала ши. 1963-ибил дусла февральла 1-личибдси РСФСР-ла Верховный Советла Президиумла Указ х1ясибли Ахъушала район цалабахъибсирри Лавашала районничил.

1965-ибил дусла январьла 12-личибдси Указ х1ясибли Ахъушала район сагали бузес бех1бихъиб. Районна дазурби лер Лавашала, Дахадаевла, Сергокъалала, Кулила, Лакла районтачил. Ахъушала шилизибад Дагъистан Республикала тахшагъар Мях1ячкъалализи бикайчи гъунила бухъянди абиркули саби 127 километрла.

(ахир 2-ибил бях1лизиб)

БУРГЪАБ НУШАЛА РАЙОН--

ДЯВТАЗИР ГЪУНАРТИ САРХИБТИ



Советский Союзла Игит
Сумен Къурбанов.



Хизри Мяхляммадов.



Мирзахяжи
Мяхляммадов.



Мяхляммад Бяхяндов.



Къурбан Гяхимадов.

Ахъушала район машгърбарис саби бахъал адамтани. Илдзивад цаибси сай Устаз Гяли-Хяжи. Илала гякълучеб-дешличила, Дагъистайс къиянбухъунси манзиллизиб халкъла паргъатдеш ва хъархерагардеш калахъес багъандан барисси къайгъиличила чумра жуз делки сари.

Гилмула гялимти, чулира халкълизи дахъал гякълуми дурути, буили саби гъарил шилизиб. Илдазибад саби Мухлела шилизивадси Дамадан ва Ушишала шилизивадси Дауд Эфенди. Район машгърбарис профессор Расул Мяхляммадовли, хирург Хянипа Гя-

Советский Союзла Игитла у сархиб Сумен Къурбановли, Дявила Асилдешла хябалра даражала орденгачи лайкькиб Хизри Мяхляммадов. Улкала ахъти наградабачи лайкькибигитала ургаб лебтири Ахъушала шилизибадти Мирзахяжи Мяхляммадов, Гяли Мяхляммадов, Мяхляммад Бяхяндов, Талхял Гямаров, Расул Сягидов, Зубайрухяжи Салихов, Мяхляммад Гямаров, Мухлела шилизивадси Гяхимадхан Гисаев, Цугнила шилизивадси Мяхляммад Хяжимуратов, Гьулатдимахъилизивадси Шарип Аб-

дешли адамти хяйран-бирахъули, илдас гъар мерличиб разидешличил гьунибиахъули саби.

Балхъарла шила мермуса жавхлейчирад чучи туристунала пикри битликлутили детаурли сари. Ишабти устадеш лерти адамгачил, илдада някъла хянчурбачил тьянишбизс багъандан гъар дус шилизи бахъал адамти башар. Дурабад башутас тамашадзести мерани районнизир чумилра лер: ядала вацлурби, дармандирути шин авдути гинзурби, чяхлячхлиби, гьаларла мижитунуни, мяхкамдешлис дарибти баруби, районна музей, дубурти ва лусенти.

Ахъушала район мурталра машгърси саби шила хозяйствола шайчирти сархибдешуначил. Республикала цархилти районгачи калахъи хледиялра, нушала районнизир СПК-би дузули, илдазирад имцлатигъунтани хайриличил дус хъарахъули саби. Районна администрацияла заседаниеличиб шила хозяйствола бузерила хлекълизибси суал хлербарили, селичи имцлал пикри бяхлячхъе гягъиличил гячихъбарис гьалабван. Гяхлял дузути сарливан гъандушиб «Ахъуша», «Усиша», «Гьулатди» «Хлермахъи», «Аметеркмахъи», С. Къурбановла уличилси, ва цархилти СПК-би.

2019-ибил дуслизир районна администрацияла къайгъиличил гяхлял хянчи дарес имкан баклиб районна центрла халкъ дужути шинничил глеббурцнила ва мермуса къулайси агиличи дуршнила шайчир. Дахъал дусмазис къиянбулхъусили бетаурси масъала сабри районна больница шинничил глеббурцнила. Янила манзиллизир шин агарли, сецад къиянбулхъусирил гяхлял бала ишаб бузутани ва зягипбикили, больницализис къаршибикитани. Ишдуслизис биалли вецлани дусмазис бухъанбитлунси ил масъала арзиб--районна больницализис декларли шин киб.

Илкъяйдали, адамти дебали разибуиси ва районнис гьуни чебиахъутачи бирхауди цлакьбиахъубси баркъуди саби къакъурби ва гьундури къулайси агиличи дуршули диъни, районна шимази газ лебкнила хянчи даимдарни.

П. Маллаева,
М. Мяхляммадов,
ДР-ла культура
бурибти хянчизарти.

СОЦИАЛИСТ БУЗЕРИЛА ИГИТУНИ




Хамис Казиева.



Хамис
Къамбаймяхляммадова.



Гябдулла
Гялимяхлов



Гябдулла
Мяхляммадов.



Гябдулла Уллуев

АХЪИБСИ ГЪУНИ

маровли, районнизис «Культурала рурибси хянчизар» ибси у беглялаб сархибси Загъидат Мяхляммадовани, илала рурси, дахъал дусмазир жавабла къуллукъуначир рузули калунси Зумруд Сулеймановани, академик, Дагъиста Гилмуртала Центрла руководител Ахъай Муртазавли, поэтуни ва писателти Сагид Гябдуллаевли, Ражабгяли Гямаровли, Мяхляммад Гябдуллаевли (Писки Мяхля), спортсменти Мяхляммадрасул Мажидовли, Мяхляммад Гябдусаламовли, Шамил Гябдулкаримовли, Камил Жамалудиновли ва бахъал цархилтани.

Районна халкъ даршули ва уржили хлербиахъес, бусурман динна умудеш бихляхъес халаси къайгъибуиси Ахъушала Хала мижитла имам Гябдуллахяжисра баркаллахлейклес хлейрар.

Чебяхлиси Вагъа дявти дехляхъибхлели цаибти бурхляназибал саби гяхляулали бургъес аркъути районна военкоматлизи чула у белкляхъес башутири.

Ца хъулибад авал-шел адам бургъес арбякъунти хъалибаргуни чумилра диуб. Урхъучимахъила шилизибадси Гябдулхялимовхъала хъалибарглизивад 12 адам бургъес арбякъунтири. Ахъушала районнизивад лебилра дявтази арбякъунтала лугли 3437 -личи абикиб. Илдазибад 1469 адам чархлебухъун. Ишбархилис дявтала бутлакьянчибазивад мицлирли калунси Аметеркмахъилизивадси Мяммаев Къурбан сай.

дуряхляманов ва бахъал цархилтири.

Районнизир багъуди кайсахънилизир дузули сари 46 учреждение. Гяхляти багъудлуми кайсахъниличил деклардулхъули сари Ахъушала цаибил номерла, Хямшима, Шукъдила урга даражала школаби, Мухлела лицей ва гимназия, Ушишала шилизирти багъудила хябалра учреждение.

Районна бекдешличил Мяхляч Гябдулкаримов ваклили глергъи хаслира гяхлябуиб багъуди кайсахънила учреждение-базис бузутас ва бучлутас шуртлери глердуци. Дуцлрумла каникултала замана лерилра багъудила учреждениебазис гяхляси ремонт дураберклиб, илди хянчилизиручительтанира жигарла бутлакьяндеш дариб, хаслира «150 школа» биклуси проектлизис кадрхяхъурти Мухлела лицейла, Ушишала лицейла ва Аметеркмахъила урга даражала школализис ва «Точка роста» ибси уличилси проектлизис кадрхяхъурти багъудила 7 учреждениелизис бузутани. Багъудила 40 учреждениелизир видеокамераби кадихъиб, 21 школализис медицинала кабинетуни далкъаахъес районна бюджетлизир арц дархъиб, илдада дурарад, чарагарли хляжатти хянчи дарахъес школабас 2 миллион къуруш арцла дархъес имканти даргиб.

Машгърси саби Ахъушала район культурала шайчирти сархибдешуначил, пагъмучебти адамгачил. «Ахъуша» биклуси ансамбляла, районнизивадти далайчибала уста-

ДУРХЪАЛ ДАГЪИСТА БУТІА!

РАЙОННИС БЕКІДЕШДИРУЛИ КАЛУНТИ АДАМТИ



Расул Хіяжиев



Хусен Гіяшурлаев



Нурмахаммад Гіябдуллаев



Гіябдулла Гіямаров



Ражабгіяли Гіямаров

Районнис бекідеш дируси гъарил руководителъ, гіячихъси саби, къаслизив урги халкълис гіяхіси барес, сунечила гіяхіси хабар гілаб калахъес. Бархъдеш бирули узуси халкъли хъмуртули ахлен, чум дус ардукъяллира, илди гъунти руководительтала уми баркаллалачил гъандуршули сари.

Лебилра ишди хіушани суратуназиб чебиути, районнис бекідеш дирули калунти адамти бузуси манзилла тяхіяркъяйда цагъунти ахленри. Леб илди-ургаб район бара аклахъубмад бузес бехібихъибти, Чебяхіси Ватла даятала дусмазиб, илис гіергъис, дахъал къиянти чедуркъубси заманализиб район багъандан жавабкардеш дихули калунти. Пикриухъалли, дегілар халати жавабкардеш

чедуркъубти илдачи дурги--заманала гілабуни хіясибли.

Районнис гъуни чебиахъули, хаслира дахъал дусмазиб бузули кали саби Ражабгіяли Гіямаров, Патіимат Къайтбекова, Мяхіяммад Хіясанов, Хамис Шяхібанова.

Гъамадли ахленси 90-ибти дусмала манзиллизиб бузули калунталара гіяхіти къасани дурги, амма илдазибад лацабехітала гіямуламартдешличил къябаиб, чули пикридарибти детерхахъес имканхлебакіили уббухъун.

Бусурман диннизиб дебали гапбарибси саби, биклар, халкъ би хіяхъес катурси адам бархъдешличил узули виъни. Иличила гъанбиркахъес чебси биалра, хъмуртуси тяхіярра беткарули биъни рази-

виъси анцибукъ ахлен,- Дагъистайзиб пачалихъли халкъла гіяму гіяхідилахъес или дурхъути арц гіягіниси мерличи харжхіедарили, чус гъанбикибси тяхіярли харжжадирули урдухъи, чум адам гіяйиблизидикиба! Илди гъунтала хатлаби тикрархіедарес багъурси сай игъбарла вегі!

Районна бекідешличиб бузули калунтазибад имціатигъунти гіямурузибад арбякъи саби, бунагъхатла урдуцаб чула, мицірли лебтас ара сагъти гіямула бурхіни диаб! Бусагіят районна бекіла къуллукъличив узуси жагъил адамлис, диннизив чеветаибси, хіялалдеш ва бархъдеш гіямурузир чердикіибси Мяхіяч Гіябдулкаримовлис диаб халкъ -ургаб хіурматра хіянчилизи гъарбизунира!



Патіимат Къайтбекова



Мяхіяммад Хіясанов



Шяхібан Никатуев



Патіимат Гіисаева



Нурайкъади Гіялиев

ГІЯХІИЛ ДЕТЕРХУР

2019-ибил дусл а бехібихъудлизиб «Багъуди» биклуси миллатла проект бехібихъибси саби. Илизи кабуруси саби «Точка роста» ибси уличилсира. Районна администрацияла ва багъудила управление ла къайгъилчил районна багъудила 7 учреждениелизир ил проект хіясибли хіянчи детерхур: Ахъушала цаибил номерла, Ахъушала хіябъибил номерла, Хіерхмахъила, Узнимахъила, Урхъучимахъила урга даражала школализир, Мухіела гимназиялизир ва Усишала лицейлизир.

Ишбархіилис лерилра илди багъудила учреждение базир кабинетуни далкъаахъурли сари. Дахъхіагарли ила лерху хіяжатги гіягіняхъала, лебилра Россиялизир кадизахъурти ца журала. Илди кабинетуназир детурхар дурсри информатикала, технологияла ва ОБЖ-ла хіеригіергъи биалли дурхіни хіядурбирути чеимціати багъудлуми ва устадеш касахъес.

«Точка роста» биклуси проект хіясибли хіядурбарибти --багъудила Центрти дебали манпа-

гіятли урдулхъан ишбархіи имціали хіяжатдиркути информатикала ва цархіилтира предметунала шайчир мурхъти багъудлуми касахъес. Илди Центрти абхъни кумекли бетарули саби учительтасра, сенахленну илар сагати хіянчила мерани лерни багъандан. Ил сабабли багъудила Центрти абхъниличи уркіи уркілабад разили саби бучіанти, илдала бегіти ва учительти.

А. Мяхіяммадова,
нушала корр.

ДУБРИМАХЪИЛИЗИ ГАЗ ЛЕБКУ

«Ахъушала район» МО-ла администрацияла бекі Мяхіяч Къадиєвич Гіябдулкаримовла дегілар гіяхіти къасаназибад ца саби районна шими махъурбази гіабигіятла газ аркнила шайчирти хіянчи даимдарес ибси.

Ишбархіилис ишди хіянчи жигарли детурхули сари Дубримахъила шила администрацияла

мер-мусаличи газ лебкнила. Илаб хіербирули саби 2300-цад адамти, дузули сари пачалихъла чумал учреждение.

--Газ лебкнила хіянчи гіяхіцад заманала духінар духъяндитлунти ва дахъал харжани гілабдирути диалра, илди хіянчи сецад жявли диахеллира детерхахъес саби нушала къас. Республикала ор-

гантала кумекличил нуша илди хіянчи детерхахъес бажардидиркниличи вирхула.--бурули сай районна бекіли.--Районна гъарил ши газличил гіебурцинула сецад халаси къадри лебсил иргъула ва адамти сунечи бахъхі хіерси баркъуди бетерхахъес къайгъибирула.

С. Гіябдуллаева,
нушала корр.

МАШГЪУРТИ АДАМТАЧИЛА

Районна библиотекализиб «Нушала районнизобади машгъурти адамти» ибси уличил выставка бетерхур, районна 85 дус биънилис хасбарибси.

Выставкаличир лерри жузи. Ахъушала районнизобади машгъурти адамтачила дурадухъунти. Илди жузазиб бурули саби районна дурабра машгъурбиубти, Дагъис-

та историялизидикаберхурти адамтачила.

Школабала бучіантази библиотекала хіянчизартани буриб хіурматла адамтачила, сабира районна дураб хіербирути биалра, районничу уркіи изахъули, ишаб се биалра гіяхіси бетерхахъес кумекбикіути.

--Нушала районнизиб бахъал лебти саби машгъурти адамти. Ил-


дазибад гіибрат касая!--рикіи гъайбухъунти библиотекала хіянчизарти дурхінази.--Къасбарая хіуша илдачи мешудикес, районничу уркіиизутили детаэс, район гъалабахі башахънила баркъудилизи пай кабихъес диэсли гіяхіси багъудира касес, халатала хіурмат бирули, духудешличил хіердиэс.

З. Нестерова,
ЦБС-ла методист.

РАЙОННИС БЕКІДЕШДИРУЛИ КАЛУНТИ АДАМТИ



Хіянипа Гіямаров



Хізбулла Гіябдуллаев



Курбан Гіялиев



Хамис Шяхібанова

Халаси мягІна леб-си саби гьарил районна гІямрулизиб хьунул адамтала Советла бузерила. Нушала районнизиб хьунул адамтала Совет мурталра асарчебси хІянчиличил декларабулхьусири. ГІергьити дусмазиб районна администрацияла бекІла заместитель Эльвира ХІясанхІусейновани

УРКІЕЦІЛА БАРКЪУДЛУМИ

бекІдешдирнила удиб районна хьунул адамтала Советли чумал гІяхІти баркьуди дурадеркІиб. Илдазибад ца сабри районна шимазиб хІербирути, яшавлизиб нукьсанти бегІтала сагали школализи аркьути дурхІнас СПК-бала шайзибад кумек бирахъни. Илгъуна баркьуди гІеббуцибсири «Ахъуша», «Усиша», С. Курбановла уличилси ва цархІилтира СПК-бала руководителитани.

Ахъушала шилизиб хІербируси МяхІяммад МяхІяммадовла хьалибаргличила багъахъес, неш ребкІили, гІелаб калунти 5 урши-рурсила кьисмат хІеруди агарли кахІелахъесра халаси кьайгъи бариб районна администрацияличил барх хьунул адамтала Советлира. Хьунул адамтала Советла заседаниеличиб, культурала хІянчизартала совеща-

ниеличиб ва цархІилтира мераначиб Эльвира КурбанисмягІиловнани бурули, ил хьалибарглис кумек барахъес тиладилчил дугьаризурсири.

ГІяхІси кумек бариб М. МяхІяммадов узуси гьундурала участока хІянчизартанира. ИшбархІи биалли ил хьалибарг чус сагати хьалицІа асили, саби бегІти мер-

мусаличиб хІеркабирули саби: мякьлаб леб дурхІнала анхъ, хьулир лершин, газ, гІердуцили сари гІяхІти шуртІри. Илгъуна анцІбукьличила багъурли, цархІилти шимала ва районталара булан адамти баркалла бикІули саби. Хьунул адамтала Советлис гьаннала гІергьити дарести камли ахІен: пикрила дайлар дихІес гІягІнили саби дурхІнас гІяхІси бяркъ бедлугнила, багъуди кайсахънила, илди терроризмализибад, наркотикуназибад мяхІкамбирнила хІянчи гьар бархІи чекабизурли дурабуркІес, районна духІнарти тяхІяр-кьайда гІяхІил дихІес багъанданси баркьудилизи пайкабирхъес. Ну рирхула сунела гьала тІашти илди масъулти районна хьунул адамтала Советли арзес бажардибиркниличи.

М. Багъдаева, хьунул адамтала Советла член.



Гіябдулла Гіялиев



МяхІяммад ИсмягІилов



ГіяхІмад МяхІярамов

СПОРТЛИЗИР САРХИБДЕШУНИ

Районнизир дахъал сари спортла шайчир дурадуркІути балбуцунни. ДурхІни ва жагьилти терроризмала анцІбукьуназибад, наркотикунала асарлизибад мяхІкамбарес, спортличи диги адикъес чебетаибси хІянчи бирули саби.

Ишди бурхІназир районна школабала бучІанти-ургар футболла шайчирти абзани детерхур район 85 дус биънилис багъишладарибти. Илди абзаназиб 1-ибил мерличибакІиб КурбанхІяжи Гіябдуллаевли хІядурба-



Суратлизиб: абзана бугІакъянчиби.

рибси Урхъучимахъила команда, 2-ибил мерличибакІиб Мухтар Гіябдуллаевли хІядурбарибси МухІела команда, 3-ибил мерличибакІиб Рамазан МяхІяммадовли хІядурбарибси Кавкамахъала команда. ГІяхІ-

ти устадеш чедаахъиб МяхІяммад МяхІяммадовли хІядурбарибси ХІямшимала командали. Гьалабикьтас кубокуни, медальти ва дипломти дедиб.

ХІ. БяхІяндов.

САГАДАРИБТИ МЕР-МУСА

«150 школа» бикІуси проектлизи каберхурси Усишала лицейла мермусаличир дахъал хІянчи дарес имканбакІиб: хьалч сагабариб, классунала луцри сагали дасун, чІябурти сагали кадыхъиб, алавла кьулайси агиличи бушиб.

БусагІят ишар ремонтла хІянчи ахирличи диркули сари. «Точка роста» бикІуси проект хІясибли таманни далкъаахъурли сари 2 класс, дахъхІагарли ила лерху компьютерти ва цархІилти гІягІниахъала, багъудила Центр бузес бехІбирхъур.

Нушала корр.



Суратлизиб: Усишала лицейла сагабарибси юрт.

ГАЗЕТА ХАЛКЪЛИЗИ МЯГІНИ-ХІЯЛ ДАЛАХЪУТИ ГІЯГІНИАХЪЛУМИ ЛУКІУСИ ВА ИЛДАЛАРА ПЕЧАТЪЛАРА ХІЕКЪЛИЗИБСИ РФ-ЛА ЗАКОН БУЗАХЪНИЛИЧИ ХІЕРУДИ БИРУСИ ДР-ЛА УПРАВЛЕНИЕЛИЗИБ БЕЛКІУНСИ САБИ. БЕЛКІНИЛА НОМЕР-ПИ №ТУ05-00319



ГАЗЕТАЛА
БЕКІ РЕДАКТОР
П.Ш.МАЛЛАЕВА
8-260-21-2-20



БЕКІ РЕДАКТОРЛА
ЗАМЕСТИТЕЛЬ
М. М. МЯХІЯММАДОВ.
ТЕЛ. 8928-872-58-85



АДРЕС:
368280

АХЪУШАЛА РАЙОН,
АХЪУШАЛА ШИ.
«БАРХЪДЕШЛА ГЪУНИ»
ГАЗЕТАЛА РЕДАКЦИЯ.
сайт: put-istiny.rf
эл.почта: put-istiny@mail.ru



ГАЗЕТА
КАБЪАХЪБСИ САБИ
МЯХІЯЧКЪАЛАЛИЗИБСИ
«ИЗДАТЕЛЬСКИЙ ДОМ
ДАГЕСТАН»
ТИПОГРАФИЯЛИЗИБ.
АДРЕС
ИЗДАТЕЛЯ И ТИПОГРАФИИ:
РЕСПУБЛИКА ДАГЕСТАН
ПР. ПЕТРА ПЕРВОГО, ДОМ №61
ТИПОГРАФИЯ «ИЗДАТЕЛЬС-
КИЙ ДОМ ДАГЕСТАН»
Т. 88722-65-00-51.



ГАЗЕТА
ЖУМЯГІ БАРХІИ
ДУРАБУЛХЪУСИ САБИ



КЪУЛБАСБИРУСИ ЗАМАНА
17 СЯГІЯТ.
КЪУЛБАСБАРИБСИ
ЗАМАНА 17 СЯГІЯТ.



АВТОРТАНИ
ЧУЛА МАТЕРИАЛТАЛА
ХІЕКЪДЕШЛИС ВА
БАРХЪДЕШЛИС ЖАВАБ
ЛУГУСИ САБИ.



ГАЗЕТАЛИС
КЪУЛБАСБАРЕС ВИРАР
ДИГАЛЛИ ПОЧТАЛА
ОТДЕЛЕНИЕБАЗИБ,
ДИГАЛЛИ РЕДАКЦИЯЛИЗИБ.
ГАЗЕТАЛА ИНДЕКС 51345

Тираж 1000 экз.

